

STATE OF THE STATE 2019

KOAUSON KAN OH STATE SAPWENLIMANIKI KAIROIHR EHUTE

SAKARADAHN WAHU

For the non Pohnpeian Speakers, please allow me to pay my respect in vernacular.

Iheng, ei tungol keipwenih pahn kupwuren kahlapoko/ereksohko en Pohnpei U. Wahulap pahn kupwuren Isonahnkenko. Wauhneki likendko/Nahnalengko, Nahnkenieiko. Wauhneki keidi teikan nan pali en tiahk, oh mwomwohdso.

Ei tungol wahu tohror ohng Speaker en Legislature oh iengemwi tohn kou kosonned kan, Sounkopwung Lapalap oh iengemwi souhnpkopwung kan, keidi teikan nan dakehn Koperment siluh, mehleh H.E. Peter M. Christian, Chairman oh tohn delegaton en Pohnpei nan FSM Congress, oh tohn cabinet en Pohnpei State oh FSM National Government, oh uhdak, pwildak en Pohnpei unsek, sang Pingelap patohdihdo ni kahlap en Pohnpei oh patohdihla lel Kapingamarangi.

It is my distinct honor and privilege to welcome and recognize all our State Leadership, National Leadership, External Partners, Friends and the People of Pohnpei.

Welcome and thank you for joining us on this special occasion in celebration of **our state of our great State of Pohnpei**. Or what I would refer to as our “One Vision, One Community, and One State”.

KAIROIHR EHUTE

Ni ei pahn patowen douieng nan ei tungol sakaradahh kapehse mwotomwot nimeseng kapw en rahn wet, ih tamanda lepin kahs en Africa ieu me patowan, “ma kemen alu mwadang ah ke kelepaw alu, ama kemen alu reirei, ke pahn anahne wia kisehn pwihn en alu ieu.

Ni menseng wet ih tungoleniki eimah pwe ien petowen repwohtki me se petowen seilokdo ni aht petowen wia pwihn ieu de enginkehlap. Sang ni tepin administration wet se poatowen tungoleniki ineng en patowanpene pwihn en papah ieu pwe ren kak tehk oh apwalihada kahpwal totohtoh kan me sohsohpai kitail. Kahpwal akan iei me duwehte sepwildihn tehtehn mwohnih kan me patohdo pahn Inoun Minimin Saledek ieng U.S, me kin apwalih pali en roson mwahu, kamaraihn oh paliteikan me pato pahn social sector, pil sang ni

pwand en atail kak en kapikada elen dodohk, oh me pid olahn atail tehtehn mour kan pohn sahpw, nan pihl kan oh nan sed pwehki kiewek en nan wehwe.

Pali tohto en ketiket en rahn wet pahn ketin tamanda me souhnpar 3 me samwalahr, ni tepin administration wet ni aht tapiada katangah wei tehn weretail wahr wet, se kasalehda aht ouraman nin duwe met, Kairoihr Ehute, Kouson Ehu, oh Wehi Ehute.”

Se sohte pahn kahmahmkihla me ire kahpwal tohto me se sohpar nan seilok wet, pil lel ni aht kin ehuieng legislature. Nin duwen me se kamehlele, iren kerempw de kahpwal kan me se kin loieng re kakehlakahla aht ineng en apwalih ire tohtoh kan me wia sawasepen aramas. Pwehn sansal aht wiepen dodohk kan kin wekiwekidek pwe sen kak kalewehdi kamwahu laud kan ohng tohn wehi.

Aht ineng en miniminpenehn pwihn en doadohk poahson sang ni kawehd en Nahnmwarki Solomon me kosoia, wasa me sohte ouraman, ah kin sohte pweidahn aramas.

Ansou me se tepda nan aht tungol seilok en pwukoh wet, eh inenen sansal sang ni tapio me se sohte men kelehpwki tangakihwei tehnwar wet. Dahme udahn aht ingeng sen kauada minimin kehlail ieu, me toweh kan pahn kin ehupene tehk keneinei oh douieng nan doadohk en kamwaulah kan sang dahme mie. Pwihn ieu me pahn tehk oh kopwungala atail sapwung kan. Pwihn ieu me ahneki kak en douieng nan dodohk en wekidala oh kosonehdi wiepen dodohk kapw akan me pahn kapwaikitailda. Se tungoleniki ineng en kauada pwihn ieu me kak pil ehulahng rahn koperment teikan, pil engala oh sawas nan ohpis teikan me kitail sapwenlimaniki oh kin apwalihada dahme pwung ieng sapwenlimetail aramas. Se anahne pwihn ieu me pahn uhdan kin wehwehki kerempw en ieias kan oh apwalihada.

Mr. Speaker, komw kupwure pwe ien doula oh sakarkihda aht ineng oh ouraman kan me se ehupeneng oh dahme se kapwaiada pwe Pohnpei en wiahla wasa kaselel oh pweida ieu.

[Kempa en Roson Mwahu](#)

Kahlapoko re ketin kupwure ie pwe ien kak patohieng nan sakaradahn sapwellimetail Social Sector, mehlel ien tepkihda pali en Roson Mwahu. Pohnpei anahne Roson Mwahu mahs ah kitail ahpw pahn kak koadoahke pweida teikan.

I kak eimahda oh patohwan me epwelpen roson mwahu ohng mehn Pohnpei rahn wet mengei sang oh mwahu sang dahme mie nan pahr en mwowe kan.

STATE OF THE STATE 2019

Dakehn sawas en luhmwuhmw oh Roson mwahu koaros (sangete soumwau kan me solahr kak mwahula) kak lelohng persent 98% en mehn Pohnpei oh 100% me kak ketiki sawas en doare luhmwuhmw pwe en dehr lelloahng kahlap ehu. Pohnpei ketin iasenei pwehki sawas en Roson Mwahu me Koperment oh private kan kin sawasiki, kitail sapwenlimaniki dispensary eisek riau (12), pali en apwalih roson mwahu me kaidehn en koperment meh pahieu (4), pali en apwalih wiengi me kaidehn en koperment meh siluh (3), imwen wini me kaidehn en koperment ehu (1) me patehng sapwellimatail imwen winih koperment rahn wet. Iei pali pwukat me kin doandoare sang luhmwuhmw kan rehn mehn Pohnpei me patopato ni **pahnen limekid 45,000** iangahki me koukousoan rehtail kan rahn wet. Kak oh mengei en alehdi sawas en wini nan Pohnpei kereniongehr en pahrekiong sawas me sampah kin wiewia, en pil dehde me kitail mwahu sang wehi tohto nan sampah. Nan pahr 2018 de pahr me ih repworepwohtki, Kempa en Roson Mwahu kelehpw sewesehda aramas **pahnen wenepwiki, pehk pahmen (40,644)**. (Me doke de pid wasahn doadoahk meh **silinen limekid isipwiki weliakan (35,780 de precent welihsek waluh (88%)** patohwan alehdi sawas en imwen wini, me iangahki me tuhwong toahkte meh **riekid wenepwiki pehk (2,640)**, me pekederla liki meh **epwiki limehk limmen (150)**. Met me elehieng me luhmwuhmw de kepinsalehd **pahkid welipwiki wenehk wenemen 4,866 de (12%)** me patohwante sawas en wini sang public health oh ni dispensary de kisin imwen winih kan.

Ohng ni dakehn sawas meh **wenekid epwiki 6,100 de 15%** me pwaredo imwen wini iangahki, kapidelong oh me se kalelelahng ihr sawas en wini ni tehnpas akan, oh meh **silinen pahkid limepwiki wenehk pahmen (34,564 de 85%)** me patohwan ale sawas ni dispensary oh clinic kan. Ratio en ire riau pwukat patopato ni ehu ohng meh welimen1:8 . Ahpw ma kitail pahn mahsanih wen pweine persent 70% en budget en apwalih roson mwahu doadoahkalahng me kin pwarek imwen wini oh me epwelparail idehr (15% en cases kan). Persent 30% kin doadoahkalahng preventive oh primary care, de doare luhmwuhmw oh apwalih me ahpwtehn pwarek toahkte. Persent (85% en cases kan). Eh mwomwen sapahrek de sapairair ahpw epil kopwuriamwei kitail en mwahngih me ni kanehne pahrek kerengieng persent 80% en luhmwuhmw pwukat luhmwuhmw de kepinsalehd lusulus kei oh re kak irairdi de perehrehdi. Ipahn koangoahngehki pali en roson mwahu en: 1) kakehlaka oh utungada wiepen doarepen luhmwuhmw oh 2) kalaudehla koahiek en tohn doadoahk kan en imwen wini oh me kin peuse sawas ohng luhmwuhmw kan me ketiket ni tehnpas akan pwehn katikala kapidelong en kepilsalehd kan nan imwen wini oh pekeder en luhmwuhmw kan sang Pohnpei ohng imwen wini en likih kan. Ohng ni oulepdahn doadoahk en doandoarehsang mehn Pohnpei luhmwuhmw/kepinsalehd, mie koasoandi en doadoahk me uhnkolahr me doke seri koaros pwe irail en patohwoan kanekhehla arail tungoal dok en silasil, kangoang ohng lih oh nohno koaros me patopato nan sounpar en neitik ren

kin sapwellimanikihda sawas en public health oh sawas en social services nan wasahn kousoan akan pwe ren ketin arawahnkihla wiepen ieias amwahu sang kaiahn kan me pil kin wiawi nan kousoan akan sang irail tohn doadoahk en Primary Health Care (PHC) kan. Irail patohwan tapiadahr doadoahk wet nan Wein Madolenihmw, pohn wehi teikan oh deke kan nan pahr 2018, ansou wet doadoahk wet tungoalenikidahr utuht laud ni eh wie pepeusla nan wein Kitti oh ekei wehi, oh deke kan en Pohnpei. Patehng met Division en Social Services koadoakoadoahke wiepen doadoahk kan ohng me pwulopwul kan, pwihn en lih kan, me likeilap kan, kapatahieng me tungoaleniki kahpwal de luwet en madamadu pwe en irehdi sang pwihn pwukat kahpwal akan me patosang ni doadoahngki mehn kasahliel, kahpwal en wiakau en paliwar oh olahn paliwar oh utungada ieias de mour mwahu me poahsoan sang kamwadong oh kaweid mwahu kan ohng iral akan me tungoalenikihier kahpwal en madamadau.

Pwe en kalaudehla sawas en apwalih kamwaulahn luhmwuhmw ohng irail me kin ketdo ketiki sawas ni imwen wini oh me epwelparail idehr pwehn katikala pekederlahn luhmwuhmw kan mas likin Pohnpei, oh kapidelong nan sapwellimatail Kempahn Roson Mwahu wini me apwalihadahr wiepen doadoahk ehu me wia mehn kadehdehpen keirda lap riau me sansal. Keieu,iei epweldahn wehwepene ehu ohng sawas en CT-Scan ehu me miehler Pohnpei oh keriau imwen wini en Pohnpei katehlapelahr kohiek en arail tungoal mesihn kan me kin kadokepene sapwellimatail toahke kan oh semen en liki kan me kakehr kamangaiala patopato pene en toahkte kan sang wasa sohte lipilipil nan sampah ohng sawas en luhmwuhmw/kepinsalehd sohte lipilipil.

CT-Scan duwehte X-ray ahpw eh pisetik oh mwahu sang X-ray . Eri, pekeder en luhmwuhmw ohng liki pahn malaulaula pwehki kosou me luhmwuhmw pwukat kin pekederkihla liki pahn kakehr wiawi Pohnpei. Ohng ni program en **Telemedicine**, doadoahk pene en sapwellimatail toahkte kan oh semen kan me pato nan wehi teikan solahr wia kahpwal oh irail pahn kakehr apwalihpene luhmwuhmw ehu nan ansou ehu. Luhmwuhmw kan solahr anahne pekederla liki. Ohng ni sawas en kosou en cancer, wiepen doadoahk ehu me pweilaud oh kin kakete reireiki sounpwong weneu rahn teiko, kakehr wiawi nan irair en minute oh pil pwei tikitik ni eh pahn doadoahngki **Tele-pathology**.. kosou nan mesihn me kadar kilel kan nan wehwe. Ehu keirda kapatapat iei kosou en saleng en seri me ahpwetehn ipwidi oh seri pwelel ma arail tungoal saleng kan kak rongada wasa de soh ni ahr kin kosouki **Tele-audiology**. Wiepe wet toahkte de semen men kak patopatohte nan ah tungoal ohpis nan US, Wisconsin oh kasawih oh patohwanda sawas ohng seripwelel en Pohnpei sohte lipilipil me tungoaleniki anahn en rongada wasa. Soangen sawas pwukat sohte nan Pohnpei mahs a met 2018 eh miehler. Oh sawas tohto kei pahn idawendo me pwukat; me pahn iangahki ophthalmology. kosou en sihleng kan, surgery, pwal oh soahng tei kan. Information technology, nin duwen semen kan ahr

kadaniki, kamangaialahr Kempahn Roson Mwahu en kak tungoalenikihda pwuhk en imwen wini me pato nan computer de electronic health record (EHR) system ehu mehn pwukehdi ire koaros me konehng en pwukepwukdi, wia mehn petehk pen ire kesempwal akan me koadoahkpe wiewiawi, apwalih oh kainene mwohni oh kirouih dipwisou en doadoahk me kin sohng pweida kan me mie nan sapwellimatail imwen wini oh nan wasan apwalih luhmwuhmw teikan. Kakononkonpene en EHR wet imwisekilahr ohng sapwellimatail imwen wini oh ehu me pahn kadokepene wasahn sawas en wini koaros nan Pohnpei pil kereniongehr imwisekila.

Kapatapat en pali kapw ehu, division en social services, ohng Kempahn Imwen Wini me wiawihkihda pali en kamwadong, me anahn tohrohr oh pali en lih, petehk tik en wiepen kairada roson mwahu oh wiepen irehdi luhmwuhmw wialahr kisehn pwukoa kan en program kan nan pali kapw wet. Pwehki pahr wet a pahn wia keieu en pahr en doadoahk ohng pali wet saikinte sapwellimatail mehn sohng ki pweida kan me kak sansal. Ahpw eh kesempwal en pil sansal me pali en kamwadong patehng ehr Micro-Game en 2018 nan wein Yap Sensuh en Pohnpei kan pil pweida mehlel.

Se kaping kalahngan ohng Embassy en Australia nan Pohnpei, FSM pwehki ah sohte uhdih sang utung palien roson mwahu oh skuhl, oh pwehki ah pil kin utung program kan me kin doke pwung pahrek en ohl oh lih. Iangete met irail pik kin kihda sawas en mwohni ohng irail me kalaude arail skuhl, kin iang patowanda sawas en sent ohng atail program en kakehlaka kamaraihn kan, pil kin sawaski semen kan ni sohte isaihs ohng pali en roson mwahu pahn pali me adaneki Australian Direct Aid Program, repil kin sewese private skuhl kan oh NGO kan.

[Environmental Protection Agency](#)

Sapwelimatail ohpis en Environmental Protection Agency wiwiahte doadoahk en apwalih mwakelekel en pehi wet pwe en kak poahsoane ieias mwahu en mour ohng irail dih en met oh me pahn kohdo mwuhr kan.

Wiepen doadoahk pwukat iei me iangahki pwukoahn dauih pohnangin sohp kid silipwiki (1,300) nan pahr 2018 pwe en kak doare kahpwal en soumwahu oh songen kau teikan ohng ni mwakelekel en nilimetail me pahn kak en pwarada sang ni sohp oh toweh kan arail pahn kin pwarek Pohnpei. EPA pil apwalih doadoahk en keirda en pai en wehi me pahn sohte tiesemwehla momour en tehte kepikipik, oh tetehk wiepen kaunopada mwenge oh pihl me wehi pokon unsek kin daodoahngki. Ehu wiepen kamwahuijala kahpwal kan me mie, EPA ehu iengehr ohpis kan, PUC oh NGO kan oh koakonedahr sapwelimen Pohnpei State kosonned en apwalih pihl me manamanla ni May en pahr 2018.

STATE OF THE STATE 2019

Oahng doadoahk en apwalih program en tehn pwoahk (aluminum), ohpis wet kamwrehdiong Pohnpei State wen tala wenlopw (\$600,000) sang ni alahldahn tehn pwoahk me nan pahr 2018 oh elen sens pwukat wia sawas laud oahng sapwelimatail aramas, oh ni ansouhte kolokol roson mwahu oh mwakelekel en Pohnpei.

EPA pil kin ehuieng pali tohto me iangahki ohpis en wehi kan, ohpis teikan nan sampah oh embassy kan oang koasoandi en doadoahk me pid epwelpen kahpwal sang ni kiewek en nan wehwe, wiepen apwalih kihd me iangahki oil, utungada wiepen apwalih kelen pwihk me doadoahngki diperen tuhke pwehn doare saminlahn utuhn pihl kan lel ni oaroahr oh ni ansouhte kin wiahda koiasi me kak doadoahk nan mwetwel en wahn tuhke me kin wia mehn ketihnain oh kolokol roson mwahu en aramas.

[Kempahn Kamaraih.](#)

Kempahn Kamarain, me wia kempah keiuhn laud, kin patohwanda sawas en kasukuhl ohng tohn sukuhl nen, riepwiki limehk emen (10,251) nan sukuhl kan sangete pwihn kaiahn lel pwihn keisek riau. Irail akan me kin patohwanda sahpis ohng irail tohn sukuhl kan iei me iangahki sounpadahk limepwiki iangahki irail soun sawas, pohn angin principal pehk (40) oh vice-principal, oh iangahki tohn doadoahk en nan office kan en kempahn kamarain lelahng nan sukuhl kan ele mihmi ni aramas riepwiki samwa.

Se kamehlele me sapwelimatail tohn sukuhl kan en rahnwet udahn sikilahsang tohn sukuhl kan en aio pwehki irail ohl oh lih dingang kei me wia tohn doadoahk en kempah wet. Mendahte dipwsouhn kasukuhl ah sohte itar, nan pereh kan pil sohte nohn mwahu ohng kasukuhl, oh pil ni ansouhte sohte itar en mehn isais ohng irail tohn doadoahk kan apw irail patowan poupousehte arail tungoal doadaohk kan ni ngoang oh mehlel. Mendahte ah sohte songen mehn isais pwukat, re patohwan poupousehte ahr tungoal ?koupweliki ahr tungoal pwukoahn kairada maraihn ohng sapwelimatail serihn sukuhl kan. Nan irair en report wet, kitail kak en mwahngih wekdekla laud me mie ohng nan kempahn kamarain. Keirda pwukat iei me iangahki kamwahulahn koasoandihn doadoahk en pahn kempahn kamarain, keirdahn ehu ehu sukuhl kan, pwahkodohn sawas en mwohni kan sang liki, keirahn serihn sukuhl kan, keridahn epwelpen tohn doadoahk kan, oh kamwahulahn pilahn en doadoahk kan nan palih kan en kempah wet.

Sang ni ruwes en Education Act of 1999, Kempahn kamarain wiadahr pilahn en doadoahk ehu me adaneki, Education Development Plan de Restructuring Plan. Pilahn en doadoahk wet nehkpeseng ehr sukuhl kan ohng nan district

STATE OF THE STATE 2019

pahieu pwe sawas mwahu en kak lelhoing sukuhl kan koaros me sangete sukuhl tikitik kan me tohtohki tohn sukuhl ehk emen (11) lel ni sukuhl laud kan me tohtohn tohn sukuhl ele mihmi ni tohn sukuhl kid pahpwiki (1,400). Plan en doadoahk wet “ Restructuring Plan” de “Educational Development Plan” patpatohnte nan irair en kosonned wet.

Sang ni kemwekid en wekdekla wet, iangahki doadoahk laud en irail sounpadahk kan oh tohn doadoahk ngoang kan koaros, kempahn kamarain patowandahr mehn sosohng kan pwehn kak alehdi ineng en accreditation me wia mehn sosohng pen sukuhl kan me pahn kak ale sawas en mwohni. Mendahte ekei aramas ah sohte pwungki kemwekid wet, se patowan doulahte oh wia doadoahk wet pwehki nin duen aht patowan kamehlele oh alehdier pweida kan me mie.

Sang nan pwungen sukuhl pahisek (40) me mie pahn Kempahn Kamarain (private oh public), sukuhl isuh (7) alehdier deng keiuhn laud (level 4) ohng mehn sosohng en accreditation. Met me wehwehki sukuhl isuh pwukat koaros kapwaiadahr oh alehdi ire weneu koaros (6) me pato nan accreditation system. Sukuhl pwukat iei me iangaki: Sapwalap, Awak, Ohmine, Calvary Christian, Seinwar, Our Lady of Mercy, oh Saladak. Sukuhl pwukat koaros kaidehnte re kasalehda pweida nan sikeng en accreditation ahpw irail pil kasalehda kahlmangi mwahu, soanamwahu oh mwakelekel en wasahn kasukuhl, kasalepen pweidahn tohn sukuhl kan oh mie pilahn en kamwahulahn school kan koaros.

Maing Speaker se patowan luke irail tohn sukuhl, sounpadahk, oh tohn doadoahk kan me mie kasalepen wahn pweidahn arail doadoak pwe kitail en pohn ese irail ni rahn en Education Dayo.

Imen en sansal lipwen doadoahk en accreditation nan sukuhl en Pohnpei. Nan pahr samwalahro, Pakein sohla iang ale tehtehn sawas en mwohni me kin patohlongodo. Nan pahr en sukuhl wet, ih kaping kihieng Legislature oh government en Sokehs pwehki arail kak sawaskihda principal emen oh sounpadahk silimen en kak katanga sukuhl wet. Nan pahr wet se koadoakoadahki sukuhl limau pwe sukuhl pwukat en kak keidahsang dake keiuhn pah (level 1) ohng nan accreditation. Sukuhl limau pwukat koaros tangatangehr pahn kaweid en kaun kapw, tohn doadoahk kapw oh pilahn en doadoahk kapw. Pwehn kak en sansal me likin sukuhl isuh me patowan alehdi level 4, sukuhl eisek weneu (16) patopato pahn level 3. Met me wehwehki

STATE OF THE STATE 2019

sukuhl pwukat wia sukuhl pweida kei nan Pohnpei iangahki nan sukuhl en kahndeke patapat wet. Ni oaralap, percent weneisek (60%) en school en Pohnpei me sikisang school kan koaros en kahndeke kapatapat wet (FSM). En pil sansal me nehnehn mwohni ong emen emen serihn school en kahndeke wet, kitail Pohnpei emen seri kin tungoaleniki tala duepwiki (\$ 900) karasaieng school teikan en kandeke wet, nan state teikan irail tungoalenki tala kid wenepwiki (\$ 1,600) ong emen serihn school.

Sang nan pwungen tohn sukuhl en high school wenepwiki siliakan-silimen me patowan ehr skeng en COM-FSM, ele percent 43 de tohn sukuhl riopwiki isiakan riemen (272) me paiamwahu alehdi dakehn Degree. Met kasalehda me percent 8 laud kihsang nan pahr me patolahr. Sang nan pwungen irail me patowan skeng wet, percent 90 iang patohlong ohng nan college. Met me pil kasalehda me percent 4 pil mwahu kihsang pahr teikan me patolahr. Kitail kak masanih wen laud en keirda me mie ohng sapwelimatail serihn sukuhl kan en Pohnpei ohng nan kahndeke kapatapat wet. High School koaros en Pohnpei (private oh Public) ansouet irail iang wia sukuhl me pato nan pwungen nempe ehu lel eisek, ihte ehu high school me sohte iang pato nan dake wet nan kahndeke wet. Imen kitail en pil pohn ese irail pwihn keisek riau kan me iangehr paiamwhu oh patohlong nan sapwelimatail College oh irail pwihn keisek ehu kan me ansouwet wia pwihn keisek riau me elehiengehr atail kak pohlaulki.

Mehndahte ah pil miehte kisin luet kei nan sapwelimatail skeng en Nation Standarized Test (NST), kitail kak mahsanih keirda laud me mie rehn sapwelimatail serihn sukuhl kan nia arail pahn kanekehla elementary school. Sang nan pwungen elementary rieisek duau me mie, percent duweisek siluh en tohn sukuhl kan me patowan skeng en high school paiamwahu oh patohlong nan high school. Mendahte kierda de pweida pwungat, kitail pil masanih me pil miehte kahpwal laud en lekidek lahn serihn sukuhl kan nan high school me kahrepehn kan kitail sohte kak wiahng mehkot.

Ohng irail tohn doadaohk kan, percent 98.9 en sounpadahk kan alehdier arail tungoal degree, mehte riemen de percent riau saihkinte. Pohnangin percent 80 en sapwelimatil sukuhl kan pakairki de patowan me pwardohn sounpadahk ohng nan ehu ehu rahn en sukuhl kan inenen mwahu sang pahr teikan me patolahr nan mwehi me sohte contact en tohn doadaohk. Nan pahr en sukuhl

wet, miehte sukuhl me report ki me mie sounpadahk me sohte pak ehu eh kommal.

Maing Speaker oh koaros me apwapwalih rah siluh en government wet, pil miehte kahpwal nan sapwelimatail Kempahn Kamarain me kempah koaros pil pahn kin sapwelimanki. Mendahte sawaskan me se kin patowan ah tikitik, ahpw kiht koaros pil nanantiheng wen kak koaros pwe sen kak powehdi kapwal akan me mie. Se wiewia doadoahk laud kaidehnte pwehn kasukuhl ih seri kan ahpw pwehn kounopada seri kan ohng arail tungoal mour en lakapw. Kaidehnte se mwahuki irail en paiauwahu oh patohlong ohng nan college ahpw irail en pil kak kadaiala arail tungoal sukuhl lelahng nan Yale de Harvard ape. Aht tungoal ouraman me laud ahpw ekei ansou se sohte kalapw alehdi sawas kan me se pehm me konehng pwe sen kak wia doadoahk mwahu oh katapan ohng sapwelimatil serihn sukuhl kan. Ni karakarahk, I patowan peki rehn kumwail lapalap akan koaros, kaun akan en Pohnpei, pahpa oh nohno, oh tohn Pohnpei unsek, kumwial en iang sewese sapwelimatail seri kan.

Nan pahr akan me pahn patohdo, se kasik me sukuhl kan en Pohnpei oh irail tohn sukuhl kan pahn mwahu sang dahme mie rahn wet. Se kasik me sawas en mwohni ohng nan kempah wet pahn kak kalaudla sang dahme mie met ohng sahpis kan me se pahn kin patohwanda. Se pil kasik sen kak kalaudehla kasukuhl de kaiahn ohng sapwelimatail de atail tungoal sounpadahk oh tohn doadoahk kan en kempah wet. Eri ma sawas en mwohni pahn tikitikla, se pahn peki rehmwail me soangen sahpis kei me rasong mehn peidaihd en serih kan oh palien katungole seri kan pahn lopila de patoieng private business kan en uhd. Pil ni ansouhte se pahn kak en kihpene ekei sukuhl en wiahla ehu pwe irail en kak alehdi wen sawas en mwohni oh sohte wekidala koaiek en seri kan. Ma mie mehkot me se pahn kak peki rehn pwihn kesempwal wet, ni karakarahk se peki kumwail en kak pwurehng losonpwongih Education Development Plan me se patowan longehr pahn kupwuromwail. I patowan pekiher rehn Director en Education en kak mihmi oh pousehla doadoahk en kamwahuijala kempahn kamarain me irail tapiadahr.

[Kempahn Dorepen Wehi.](#)

Koapwukoh riau (2) me Koperment en Pohnpei kepwukohki Kempahn Dorepen Wehi.

Keieu (1) - Kauada oh doadoahngki Plan konehng me pahn poatoapot, sinsile onopek mwahu en aramas oh tehtehn mour kan.

Keriau (2) - Pahn pwukoahki wiepe konehng en kolokol meleilei me pahn pwarada ni ansoun kahpwal soh kesikpeh kan, pwehn kak potopot kakehlaka kosonned akan oh kol woupen kosonned pwukat. Pwukoahn ehu ehu Division de pali pahiou kan me pato pahn KEMPA wet tungoalenki pwukoah wekpeseng kei me ih pahn oralapehda pah.

Palien Police:

Division de Pali en Police oh Security eh sansal me mie kasalepen pweidahn doadoahk ohng pahr me neklahr. Pali wet apwalih mwekid en mwerkau case kid, silipwiki, rieisek riau (1,322) me wiadahr 6% tikitik kihsang pahr 2017. Mwekid en ohlahn kosonned en pohn ahl akan, Case silipwiki welihsek weneu (386), me tikitik kihsang pahr en mwoweh kan percent rieisek pahiou (24%), oh apwalihala daropwehn mwolen kopwung kan de summons duwepwiki limeisek duwau (959) me laud kihsang pahr en mwoweh kan ni percent eisek ehu (11%). Pali wet pil apwalihalahr license en netkihla sakau en wai pahisek ehu (41) me laudkihla precent rieisek siluh (23%) oh case en Domestic Violent de pingiping en nan kisin peneinei eisek duwau (19) oh duwau (9) pekeder iongehr ohpis en kadip.

Weren nansapw akan me register nan pahr 2018, meh wenekid, ehk isipwoat (6,017) me tohtohkihsang pahr 2017 present eisek riau (12%). Totohn driver license, idendification card oh learners permit me patohda pil tohtohkihla wen nempe iou. Aramas akan me alehdi driver license kan meh, isipwiki, pehk (740) tikitikihla precent rieisek pahieu (24%).

Pali en Kalapwuhs:

Pali wet pwukoahki irail kan me kin dipada oh selidi nan imweteng. Lelodo rahn wet kalapwuhs meh pehk (40) me patopato nan kalapwuhs oh epwelperail kin pil wiewiawi. Irail kan me arrested nan pahr 2018 meh kid, welipwiki, silihakan duemen (1839), percent pahieu (4%) laudkihsang pahr 2017 me pato ni kid, isipwiki, wenehk (1760) me arrested.

Pali en Apwalih Paliesed, Paliemoar, oh Audeperah Kan:

Division de pali wet me kin pwukoahki kakehlaka kosonned en nahkih tetehn kepikipik kan oh apwalih Program akan me pahn sewese kakehlaka kosonned en nahk kan. Pali wet pil pwukoahki apwalih irehkei me iangahki:

(1) - Apwalih wasahn nahk eisek weneu (16) kan me eisek ehu (11) pato Pohnpei oh limau (5) me pato pohn deke Pakin, oh tehk mwahu soused akan de laid nan wasahn nahk pwukat.

(2)- Iang sewes apwalih nanwel akan oh wasahn nahk en pihl de watershed kan me pato nin limatail wet.

Pwehki kosoned eh inapwihdi seseidahn mwanger sang nan sounpwong en January lel May oh pwehki nan erein sounpwong pwukat eh wia ahnsoun mwahmw mwanger eh kin kutohr, oh pwehki Black Coral de Kehpara eh wia wasahn kutohr oh nahk mwanger, tohn doadoahk kan en pali wet kin patohla Black Coral de Kehpara oh sinsile , pwe soused akan en dehr patohla oh laid nan lepin sed wet nan erei ahnsow me sansalehr. Nan pahr 2018 pali wet apwalihala case pahieu (4) me pidada laid nan wasahn nahk kan oh koledi mwahmw tikitik oh netkihla mwahmw me kosonned irehdi en seiseida kan. Tehteh kan me sawasdohng pali wet iei mesihn en nansed parki pahisek (40) riau(2) sang FSM Ridge to Reef Project.

Palien Apwalih Kisiniei oh Sahpis en Anahn Karuwaruh Kan:

Pali wet wia pali kapw ieu nan sapwelimatail Koperment en Pohnpei me kepikipikida nan Administration wet oh pato pahn Kempahn Dorepen Wehi . Pali wet me pwukoahki apwalih mwekid karuaru kan koaros me rasohng kisiniei, luhmwuhmw karuaru kan, kahpwal pwarada soh kesikpeh kan, oh epwelpen salongala nan wel oh nansed/nanpil akan.

Sang ni kokoudahn paliwet, repwoht en kisiniei de lulidah kan laudkilahr percent isihsek waluh (78%) sang nan pahr 2017. Pali wet pil tehk oh kaweid skuhl eisek limau (15) ong wiepen kahpwal me pidada kisiniei, tehk paip de wasahn audaud en pihl kan de Fire Hydrant 43 me mie.

Pek sawas akan me pidada salongalahn aramas nansed de nansapw patodihsang nan pahr teio ki percent limeisek (50%), oh pali wet kamehlele me wekidekla pwukat kakete patohsang ni dipwsouhn doadoahk kan me mie oh kepehse kan me wiawiher.

Pali wet tepdahr oh kin doadoahk awa rieisek pahieu (24), oh nan Octobero, pali wet tepdahr doadoahngki dipwsouhn kapehsehieu me sahpw laud kan kin wie doadoahki. Iei telephone 911 pwe en kak kamwauihala oh kamwadangahla pekipek en anahn karuaruh kan me pahn doke palien police, Fire, ambulance oh pil imwen wini. Ambulance kan oh Ambulance driver kan koaros kosoudohngehr pahn pali wet nan Kempa en Doarepen Wehi, oh pateng pali wet pwehn iang apwalih mwekid oh anahn karuaru kan.

STATE OF THE STATE 2019

Pali kan me toukidahr sawas akan de dipwsoun doadoahk kan iei Vital Group, Koperment en Guam oh wen tala wennen, isikid, welipwiki rieisek siluh (\$67,823.00) sang Japan Embassy pwe en alehda oapwoat ambulance me pwohr wihl (4x4).

Irail soun kokun kisiniei ehk riemen 12 pateng Chief oh Ambulance driver 6 iangehr alehdi kaskuhl en koakun kisiniei, Medical Emergency, de Rescue Diving, apwalih wini keper akan oh wiepen apwalih mwekid laud akan oh aledier kisin likou me kasalehda me re kanekelahr kasukuhl pwukat.

Irail tohn doadoahk en pali wet me ehk welimen (18) me patehng chief, oh Director en kempa wet kamehlele me doadoahk wet inenen toutou ieng wen tohn doadoahk kan me mie pwehn kak apwalih anahn en weipokon nan awa 24/7. Director kamehlele me anahnepen sahpis sang pali wet pahn lalaudila ni ansou me tohn wehi pahn mwahngihala sahpis kan me paliwet kin toukihda nan rahn akan oh wekideklah kan me mie nan Koperment.

Citation: Department wet pil ehuiogehr Ohpis en Attorney General oh wiahda citation ieu (misdemeanor citation) me pahn doadoahk ong irail akan me kawehla kosoned de dihp marahrah kan me kalokepe kak mi ni selidi nan imweteng mwotomwoat sang sounpar eh (1). Ma komw sapwelimanikihda soangen citation wet, sohte anahnepen sapwelimomwi saledek en irairdi. Karasepen ihs oh ahnsou me citation pahn doadoahk iei me rasohng sidohwah kan me netiki sakau en wai ong aramas me sakinte lel sounpar en tungoale sakau en wai, pwainda oh tungoale sakau en wai ni sidohwa me tungoaleniki Off Sale License kan, imwen sakau en wai de Bingo me langalang oh daulihala kulok me kosoned kosonehdi, laid nan wasahn nahk kan oh saikidi de netikihla soangen mwahm, de menpihr oh songosongen mahn de mwahmw kosoned tei kan.

Kempa en Sahpw oh Wahn Kepikipik Kan.

Kepikipik en Kauno kan oh ninlimatail sahpw akan kolokoleta kadedeppen udaken sapwelimatail ieias oh iei sohsoh pwukat me kitail nanantihiong en kolokol pwe sapwelimatail serih kan en kak peupeusehla. Tohn doadoahk kan wiewiwia ahr kak en kanaiehng epwelpen ninlimatail kan ni arail kanekelahr sosohng en pelien sahpw 180, metakan sosohngdahr, patohieng nan map oh kepidekiong ni wiepen kaimwsakala nan doaropwe. Irail pil alediehr oh kapatahda keimw en pelien sahpw isihsek pahieu 74 oh pelien sahpw 13 me patohieng oh manamanlahr nan map. Irail apwaliher sosohng en pelien sahpw silihsek pahieu 34 me kadehdehda sohngosongen ihmw kan me pato pohn pelien sahpw pwukat. Lease en sahpw welihsek waluh 88 me kamanamanla ohng doadoahk en business me tohtohkila lease 20 sang nan pahr en mwowe.

Dahme kitail kupwuriki en pweida lakapw de nan rahn kan me pahn kohdo?

STATE OF THE STATE 2019

Koasomwoh emen Director kapw en mongehda Ohpis en Sahrp
Kamwahuwiala sahrp en Kempa wet ohng weipokon
Kakehlakahla koasondi pwung oh parehk sang Board en Sahrp
Kakehlakahla wiepen kapehseh pwukoah kan me Ohpis en Sahrp
tungoleniki.

Office of Attorney General

Ohpis kapw ehu, me adaneki White Color Crime Investigation Unit, kokoudahr
nan Ohpis en Attorney General en Wein Pohnpei. Ohpis kapw wet pahn
pwukoahki tetehk Kempah de Ohpis kan nan Koperment, iangahki business
kan nan Pohnpei ong ni kepweipweidahn kosonned oh regulations kan me
manaman nan Pohnpei. Ekei pisetik en pwukoahn ohpis kapw wet iei me
iangahki:

- tetehk mwekid sawung (mwekid en widing) ni kodahn pet nan contract kan;
- kakehlaka kosonned me apwalih tohn doadoahk nan business kan;
- kaweidada kamwadangalahn rikirik-dahn mwohni nan kosonned en taxes;
- kapidelong kopwung nan Mwoalen Kopwung en Pohnpei pwehn rikada:
- isepen lease en sahrp akan me business kan doadoahk loale;
- rikada pweipwand en loan en ihmw sang Pohnpei Housing Authority;
- mwasamwasahn kakehlepen kosonned me kainapwih kalidu en aramas
(human trafficking).

Doadoahk pwukat tepidahr oh kopwung kei pidelongehr nan mwoalen
kopwung. Kamwahu-pen doadoahk wet pahn nektehn sansal ni doahk pwukat
ah pahn unsekla.

Ohpis en Attorney General koadoakoadoahke ropada oh kapatapene nan
pwuhk-tehieu rules oh regulations en Kempah kan nan Koperment en Pohnpei.

Ohpis en Attorney General tehkehr oh kihengehr wiepen Report kan me alahldi
sang ni Ohpis en Public Auditor. Kopwung en dihp oh kopwung en pwuhng
kapidelongehr nan Mwoalen Koapwung sang ni report pwukat. Ohpis en
Attorney General pil ehu-kihongehr Ohpis en Public Auditor wiepen ireh kan
me sohte anahne pidada kopwung.

Sang ni ngong en semen en kosonned akan oh soun-kadip kan nan Ohpis en
Attorney General elehda keirdahn kopwung me imwisekla. Kopwung kan me
kasalehda sawung en Koperment en Pohnpei kin kakete koasoandi ni
pwungpene en palih kan. Nan kopwung kan me dehde me State en Pohnpei
me sawung, Ohpis en Attorney General kin kakete ehuieng palien
repenpwung oh koasoanehdi pwunglahn repenpwung oh peki kamanaman en
Mwoalen Kopwung.

STATE OF THE STATE 2019

Ohpis en Attorney General kaunsekala ehu kopwung laud me business en laid ehu, Luen Thai uhkieng Wein Pohnpei. Pwunglahn kopwung wet pahn kak kahredohng Wein Pohnpei pohn-angin \$100,000 ehu pahr.

Ohpis en Attorney General doudoulahte nan kopwung me uheng Government en FSM ohng ire me pidada “revenue sharing” en mwohni en taxes me kin rikirikda sang company laud (corporations) oh insurance company kan me register oh wie doadoahk nan Wein Pohnpei. Palien Kakehlaka Kosonned (Executive Branch) kapingkihong Pohnpei Legislature ki utuht en Legislative Resolution me pid ire wet. E pil sansal me uwen mwohni laud (millions) me pidelongehr ong Koperment en FSM sang business pwukat. Ma State en Pohnpei pahn pweida nan repenpwung wet, mwohni laud me Wehi pahn kak kasik sang nan kopwung wet ma “revenue-sharing” pahn kamanaman. Wiepe pwukat pahn utungada mehleh sapwelimen Wein Pohnpei Strategic Development Plan me Wehi ketin kamanalahr.

Kopwung laud kei luhluhehte, me iangahki kopwung en Misko Beach. Wasah kis me kosonned kamanalahr en wia kisehn transportation zone oh kamanaman ohngehr Pohnpei Port Authority.

Kopwung me pidada seiseidahn menihke matop, me Mwoalen Kopwung en Kahndeke Kapatapat en Micronesia ketikidahr irairdi en lepin ahnsou oh kainapwihedi seiseidahn matop lau State ah pahn kamanahla plan ehu me pahn pereh-sang kamwomwmwomwlahn mahn menet sang nansed en Wein Pohnpei.

Ohpis en Attorney General pil kapidelongehr kopwung kei me ahnsou wet wie mwekimwekid me pidada wasah kan me iangahki Public Market oh PICS. Sawas-pene wiewiawi nan pwungen Ohpis en Attorney General, Kempahn Public Safety, oh Kempahn Sahpw ong ni sosohng-di en wasah kan PICS me wia kisehn sapwen Koperment en Pohnpei. Koasoandi en onohnda en imwen Koperment me toklahr kan pil miehler. Anahn laud mie me irail akan me koukouson nan ihmw pwukat en pein mwekid sang nan ihmw pwukat. Kopwung pahn pil wiawi ohng irail akan me sohte men oke pakair ren mwekidiei sang nan ihmw pwukat.

Ni ehu-pene en doadoahk en Ohpis en Public Auditor oh Ohpis en Attorney General, report en doadoahklahn mwohni kadierekdahr sapwung, oh kopwung en dihp kapidelongehr nan Mwoalen Koapwung me pidada contractor men, oh tohn doadoahk en Koperment riemen.

Ohpis en Attorney General oh Ohpis en Public Auditor pil ehu-penehr oh tehk-keneinei kosonned me pid wiepen doadoahk en Ohpis en Transportation

and Infrastructure oh kadiarakadahr wasah kan me anahne ohpis wet en kamwahuiala pwehn idawehn koasoandi en kosonned.

Ohpis en Public Auditor ahngadahr anahn en tehk iren Kempahn Sahpw oh Board of Trustees en public land oh kaweidada duwen wiepen doadoahk nan pali wet pwe en idawehn kosonned.

Ohpis en Public Affairs

Ohpis en Public Affairs kin pwukohki ehuieng weipokon oh pil pwukohki kapehse ire anahn kan nan Ohpis en Kepina. Epil pwukohki sahpis teikan me anahn ni ah kin nananpwunge ohpis en Kepina oh rahn Koperment en kauada oh teneki kosonned oh dakehn Koperment teikan me duwehte Municipality, State, oh FSM National Government, Koperment en maslikih kan oh embassy kan, Mwoalen Wahu oh pwihn teikan me ahneki ineng en sawas minimin ieng Wein Pohnpei.

Ohpis en Public Affairs iangehr sawas ni ah patehng Kepina nan meeting daulih epwuki 100 oh pil pwukohki sahpis en kapeshe ieng weipokon me pid ire anahn/kesemwpwal kan me Kepina patehng de kin mwekid nan Ohpis en Kepina nan radio program ehu me adaneki Kairoihr Ehute.

Nan pwukohn nananpwunge Ohpis en Kepina oh Legislature Public Affairs repwohtkier ire pwukat nan pahr en repwoht wet, (1) Kepina kadarehng legislature koamwomwadahn kosonned 26, Kepina saihnla kosonned 38, komwomwadahn kosonned riau me eh kemehla, oh 2 me legislature doula pohn en Kepina soh kamanaman.

Ohpis en Public Affairs katengengehdier nan ah tungoal (moving forward plan) de plan en mwekidwei mwowe en (1) kaweihdada program en kaskuhl kan ohng Koperment en nan wehi kan, (2) tapiada ehu daropwehn news de kapehse, (3) kamwauwiala kanengen website nan Ohpis en Kepina, oh (4) wiahda ehu recording studio.

Pohnpei Public Broadcasting Corporation

1. En Pohnpei Public Broadcasting Corporation ah tungoal mission iei en “kadarewei mehn kair, mehlel nan wehwe, ong ire kan me pidada dipwisoun de wiepen kasukuhl kan, palien roson mwahu, keirdahn wehi, mwakelekel, kaiahnehda katehlapesengin ohpis en V6AH Radio oh koadoahkehda dipwisou kair me konehng pwehn katehlapahla en V6AH Radio pwukoah oh doadoahk nin duen rues en kosonned title 20, section 2 en Pohnpei State Code.”

2. V6AH Radio, me pato pahn epwelpen Pohnpei Public Broadcasting Corporation, kin patohwan langalang rahn koaros sang kuloak 6 nimenseng lel kuloak 10 nisoutik oh kin pakapakairki program koasoandi kan me pidada palien kamarain, palien kakehlaka kosonned, palien roson mwahu, palien kaunopen kahpwal, oh ire kan me wehi konehng mwahngih.

3. V6AH Radio patohwan kaunopadahr oh kolokol epwelpen pekederpen rohng nan wehwe me kin lelewehng nan radio kan nan Pohnpei oh pil kadakadar kair pwukat nan internet nan Facebook ong irail mehn Pohnpei kan nan sapwlikin Pohnpei kan.

V6AH Radio pahn nantiheng kamwahuiala oh katehlapahla ah tungoal sahpis kan ong tohn wehi ni eh pahn kamwahuiala dipwisoun doadoahk kan.

Program koasoandi kan ong ehu ehu rahn akan kamwakamwahula pwehn kapatahieng ire kan me pidada kapehse ong wehi, palien kamarain, palien roson mwahu, oh palien kaunopen kahpwal kan.

En V6AH Radio eh tungoal ihmw onohndahr oh wasahn doadoahk soanamwahulahr. Onohnda wet sang ni sawas me patohsang USAID de United States Agency for International Development oh USDA de United States Department of Agriculture and Rural Development. Sawas wet patohdo pahn epwelpen IOM de International Organization for Migration – PREPARE Program ni kaweid sang Ohpis en Kepina.

Kalaudpen ihmw pil wiawihier oh sawas wet patohsang FSM Congress.

Ni December 13, 2018, 10 kwh Solar System ehu kokoudahr oh tepdahr doadoahk. Lel ni December 27, 2018, when lioal me solar system wet patohwan wiadahr patpato ni kilowatt 500. Met elehda ketiklahn en V6AH Radio ah tungoal pweinen lioal eh patpato ni wen tala \$225 samwa. Sawaspen solar system wet patohsang New Zealand Embassy oh koadoahkpen doadoahk wet pato pahn epwelpen IOM.

4 V6AH Radio koadkoadoahke kamwahulahn ah tungoal sahpis kan ni eh pahn kamwahuiala dipwisoun doadoahk kan.

Sang ni pekpen sawas kan me pekederiongehr IOM, IOM patohwen pwalangpesengehr kendohn sawas pwukat ong dake siluh. Keieuhn dake iei en sawas oh kauwada 10 kw solar system ehu. Sansal me keieuhn dake wet unseklahr. Keriaun sawas iei en onehda transmitter, de misihn nin kadar ngihl nan wehwe, onehda antenna oh grounding network, oh sawaskihda ehu backup generator. Kesiluhn sawas iei en kawada ehu 10 kw solar system. IOM patohwen wiwia ah tungoal roprop kan mwohn ah pahn patohwan ropada elen sawas oh tehtehn sawas akan.

STATE OF THE STATE 2019

V6AH RADIO pahn patohwen ropada elen oh tehtehn sawas teikan me pahn sewese apwalih kelpenehn sapwen Pohnpei State Government me V6AH RADIO pato loale.

Ohpis en Usuhs.

Nan pwuken usuhs en wein Pohnpei kasalehda me soun usuhs meh 32,602 oh sang nan totohn aramas wet meh 145 kileledi nan pahr 2018.

Ohpis wet wiahier ah doadoahk en kapehseh ire kesempwal akan me pid usuhs oh kauwadahr billboard kei, kapehse nan Facebook oh kapehse nan radio (Kairoir ehute).

Kamwomwadahn wekidekla ohng kosonned en usuhs pil wiawih-ier oh petehkpe pil wiewiawi mwohn ah pahn kak pekederiong legislature en tehk.

Doadoahk pwukat iei pwehn koangoange aramas akan en iang kileledi oh wia soun usuhs, oh patoahng usuhs kan en wein Pohnpei me pahn patohdo.

Note: Usuhs me ohpis wet kaunop sounpar 3 samwa me patolahr iei November 12, 2019.

Ohpis en mwoahni

Sounpar, pahieu luweh pwe wiwn en nekinek en compact trust fund (ctf) pahn tepida doadoahk. Repwoahk kan sang palihkan me kin pwukoahki nekid de invest mwohni en CTF kasaledahr me wiwn en nekinek sohte pahn itar pwe kitail en kak kolokol ki sapis kan me miehler mwurin pahr 2023. Met wia repwoahk ieu me inenen kesempwal pwehki eh pahn sairada sapwelimatail kak en poupousehla program oh project kan me anahn mwurin pahr 2023 ahpw mehler nan palien sukuhl oh roson mwahu. Ni karasepe, nan pahr en doadoahk en 2017, mwohni kan me sewese palien sukuhl oh roson mwahu sang compact oh wasa teikan likin mwohni en compact patopato ni million rieisek ehue, wenlopw, wenen, silikid, pahpwuki isihsek limaueh \$21,663,475. Mwornikan me kin sewese project lapakan nan ehue par kin patopato ni tala wenrar de million \$ 6, met likin million \$21,663,475 me kin sewese operation en palien sukuhl oh roson mwahu. Met me pahn elehda million 27 me pahn anahn mwurin pahr 2023 pwe kitail en kak ketin kolokol sahpis kan me anahn nan palien sukuhl oh roson mwahu iangahki kaunopadahn project lap akan me pahn sewesehda kekeirdahn pai en wehi sarawi wet.

Me pid mwekimwekid en sapwelimatail mwoni kan nan pahr en doadoahk 2016 oh 2017, nan 2016 audit kasalehda me mie deficit oh eh patopato ni tala limelop, nen, riekid \$512,000., oh 2017 mie dep en mwohni me patopato

STATE OF THE STATE 2019

pohnangin million 4 de pahrar. Met kasalehda me mie pweida me elehiong pohnpei en alehdi nempe silu (3) nan pwungen finance office kan me pato pahn U.S. Insular area kan oh freely associated state kan (FAS) sang Crawford and Associates, company ieu me office en OIA kin doadoahngki oahng apwalih oh kasalehda doadoahk en ehū, ehū, finance office kan. Ehū ire me pil konehng en sansal, mie sapwelimatail share de nekinek me patopato nan FSM bank me we patopato ni tala limalopw \$500,000 oh wihn en nekinek wet, nan pahr en doadoahk en 2018 patopato ni tala limanen, wenekid, limepwuki \$56,500.

Kaunop me mieier pwe-en dapwin sepwilidien mwohni en compact mwurin pahr 2023, nin duen me sansal nan pahr en doadoahk 2017, patopato ni million silihsek ehū, isilopw, wenen, kid wenepwuki, duweisek weneu, sen isihsek \$31,711,6967. Met sohte pahn itar pwe kitail en kak kolokoleki sahpiis kan me mieier mwurin pahr 2023. Met me elehda sapwelimatail ehupene nan irair mwotomwot wet me pid roporopdahn tehte me pahn dapwin sepwilidien mwohn en sawas sang compact me inenen lap mehlel. Ansou wet, sapwelimatial investment de nekinek nan cfc me pil kak iang sawas patopato pohnangi percent 41. Value de rengen percent 41 wet patopato, ni asset oh cash, pohnangin million 16 de pil kak laudsang. Sapwelimatail dividend en pahr 2018 patopato ni tala rialopw limenen \$250,000. Sepwilidi wet sang pweipweidahn soh p en laid pwot me pweine patopato pohnangin million paieu \$ million 4 oh koaunopdahn million \$2 me pahn wia en cfc investment ohng nan fsm seafood company fish processing plant ieu me pahn kokouda nan dekehtik me koasonepehn ground breaking pahn wiawi June en pahr wet. Pweidahn project wet pahn kak elehda doadoahk ohng mehn Pohnpei welipwuki 800 lel duwepwuki 900. Pil ehū project me pahn inenen sewesehda katehlapala sapwelimatil tax base iehi project me pid kokoudahn hotel ieu me room de wen pere riepwiki 200. Kasik pen tohn doadoahk sang project wet patopato pohnangin tohn doadoahk limepwuki 500. Plan akan me pid tourism, ma pweida, pil pahn iang seweseda kalaudlahn tax base me pahn elehda kak en Pohnpei en en diar mwohnikan me pahn anahn melel mwurin 2023.

Ehū ire me ih patohwan pepehm me koneng ien patowan report kiong mwomwohd kesemwpal wet eh pid project en recycling. Nan pahr en mwohni en 2017 oh 2018, wen mwohni me rikirikda patopato ni tala lopw, pahnen, riekid, wenepwuki, welihsek pahieu \$942,684 oh uwen mwohni me pweipweioang tohn wehi patopato ni tala \$700,545. Met kasalehda katēp mwahu en project wet ong aramas en pehi wet.

Maing speaker oh honorable members koaros en pohnpei legislature, pwe pohnpei en kak mwekimwekidwei nan pahr en mwirih kan mwirin pahr 2023 oh pil ni ansouote sapwelimaniki kak en kalaudehla sahpiis pwukat, sapwelimatail eupene oh ehupen nan pwungen national government oh state

kan nan fsm konehng en laudla de mwahusang dame kin mie nan ansou pwukat.

Ohpis en Budget

Sapwellimatail Ohpis en Budget iei Ohpis ehu me patowan pwukpwukoahki kanehnehdi en kahng en sawas en sent kan ohng ehu ehu Ohpis de kempah kan me mie nan sapwelimatail Kopernment. Ni ansouhte, Ohpis wet me pil kin pahki kalkalehki Ohpis en Kepina ire kesempwal akan me kin pidada kanehnehdi en sent kan ong ni epwel pen keirdahn sapwellimatail wehi.

Ohpis wet pil patohwan ehuiangehr wein America ong ni alahldi en membership de pwuhng en iang pein ropodohng wein Pohnpei sent de grant kan me Wein America kin patohwan da nan pahr en sent kan koaros ni Ohpis wet eh tungoalenkidier pwuhng en iang ropada grant nan computer ni website riau me sansal: sam.gov oh grant.gov.

Ohpis wet pil kin patohwan ehu ong ODA Office me pato nan sapwelimatail Ohpis lap en FSM ohng ni ropadahn elen sent teikan me kin patohda sang wehi laud teikan me kak rasehng China, Japan, oh Australia ape.

Office of Fisheries and Aquaculture

Pali en kilekilele nempeh kan en Ohpis en Fisheries oh Aquaculture OFA patohwan tapiadahr pwarek market kan nan pohnpei tepidahr pahr 2008 leledo pahr 2019 oh ehukiengehr market kan mwomwen wiepen doadoahk iou me doke alahldien nempe de paun en mwahmw me lohdihsang soused kan de tohn laid akan. Sang nan pahr 2008 kohdo market en mwahmw meh 56 me kedierekda alialehda mwahmw oh menihke teikan. Lel nan pahr 2018 market te 25 me sansal alialehda mwahmw oh menihkehkan. Market 31 patowan ritdihsang weipokon ni songen kahrepehkei. Uwen tohto en mwahmw oh menihke me lohdi nan pahr 2018 pato ni duwe met.

Mwahmw en Liki paun – 23,010.50
Mwahmw en Loale paun – 16,220.00
Uhrena paun – 996.5
Elimoang paun – 2,739.5
Kihs paun – 24
Menihke werer (siohkara) pwoatol-8

Repwoht pen nempe de paun en mwahmw oh menihke me lohdi oh pweipweida sang soused akan patohsang ni risiht me OFA palien Statistic de kilele nempeh kan kin patohwan ehng market en mwahmw akan. En pil sansal mwahu me

STATE OF THE STATE 2019

wen paun en mwahmw me sansaladahr sohte pato ni wen paun en mwahmw oh menihke koaros me lohdi sang ni market kan pwehki ekei market sohte patowan oke doadoahk wet. Uwen paun me sansaladahr ong mwomwen liki oh loale patehng menihke iei uwen paun me kedierekda oh ropwot sang market kan nan pahr 2018 kohdo.

Aquaculture Division de palien mwetwelih wahn sehd oh pihl: Katohtohlan kamwar en seaweed de Oaloahd pil wiewiawi oh mehn pod akan pil nehnepesengier pohnpei oh dekehrn mas likin pohnpei kan me rasehng:

Kapingamarangi

Nukuoro

Sapwuafik

Pakin

Kehpera, penieu, oh wasah kei nan Pohnpei

OFA pil ehuihong Young sun company oh padokedier peneinei en menihke matopw akan pohn maden pohnpei oh deke sapwuafik. Wen tohtohn menihke pe poadidier patpato ni meh 300,000. Wasah kan oh wen tohtohn menihke matopw me podidier iei:

Sapwuafik – 28,000

Madolenihmw – 100,000

U – 100,000

Nett – 60,000

Sokehs – 40,000.

Administration de koadohk en nan ohpis: Wen mwohni me lohdi nan pahr 2018 sang netin ais patpato ni wen tala \$23,730.75 sang kolonia ice plant oh tala \$14,657.50 sang Madolenihmw ice plant. Sawas en pihl me kin patodahng ni sohpa akan wiadahr tala \$147,056.12.

OFA patowan aledier sawas tohrohr kei me patohsang OFCF oh sawas pwukat pato ni dipwsou en doadoahk oh kin alahldi mwurin sounpar pahiou koaros. Dahme sansal pahret pahn wia lahs en pahr me pali wet pahn kin kadaredo songen sawas pwukat.

[Office of Transportation and Infrastructure](#)

Kemwekidpen Project lap akan. Nan pahr en doadohk (2018) Project 12 aledier kamanaman. Project pwukat me iangahki imwen skuhl, dispensaries, project en pihl oh pil ekei project lap teikan me duwehte wasahn kapokon kan. Nan pwungen project pwukat, kodohkepen pilahn en project 4 kereniong pahn imwisekla oh pahn kakehr tepida ansou keren. Kesikpe me mwurin pahr ehu samwa kitail pahn kakehr mahsani pweidahn doadohk pwukat ong ni

katohtolahn perehn kaskuhl kan, kamwahulahn imwen wini oh soangen project lap teikan.

Ansouet kadohkpen popouslahn paip en pihl me pahn sang COM-FSM lel Diadi Kitti me ansouet kodohkepe wiewiawi. Ni atail ketin mwahngi me eh wia ire kahpwal en kamwakidewei sapwelimatail project kan ma sohte ehupene pahn mie.

Ipil men doula oh patohwanda me sapwelimatail pali me kin pwukohki kamwakamwakid project lap akan (PMO) doulahnger nan kemwekidpen project kan, oh pwehki project kan eh mwekidwehr, anahnepen inspector oh engineer ong pali wet pwe project kan en mwekmwekidwei mwowe oh dehr kin pwandala. Ehu iren madamadau ong wiepen kamwahula oh kamwadangahla epwelpen project kan karasepe, wiepen kodahn pet en imwen skuhl koaros en kohpene wia ehu oh pahn idawehn pilahn oh design me kosondi sang engineer kan, met me pahn eleioang company laud kan en iang pet.

Koadohken IMF projects en pahn en doadohk 2015 oh 2016 mwekimwekid kohwei. Ong pahr en doadohk 2018 projects 16 koieng irail local contractors kan me uwe mihmi ne \$30,000 kohda lel \$100,000, ni eh kapatpene kereniong Million riau (2) oh project limeisek weneu (56) me weidihdo pahn IMF, sang Government en Japan, People Republic of China, Congressional Project oh pein sapwelimatail local project kan.

Sapwelimatail Office en PMO me ansouet kamwakamwakid project lap akan audaudkidahr emen project manger oh office wet wiewia uwen kak koaros en kamwakidewei sapwelimatail project kan.

[Pohnpei Transportation Authority](#)

Ohpis en Pohnpei Transportation Authority (PTA) songosong ren corporatize de uhtorada ni mwohmw me duwehte PUC oh PPA pwe en kakehlahla oh peupeusehlahte ah pwukoahn apwalih ahl akan oh project teikan.

Ansouet ei tungoal administration koadokodohke pwe PTA en tungolenikihda budget. Met wia ehu ire me uhdan pahn mie ma epahn uhtorada. PTA pahn pil anahne tungolenikihda personnel system de koasondihn apwalih ah tungoal tohn doadohk oh manual of administration de koasondihn apwalih ah doadohk kan mehn doadohk kei me eh uhdan pahn tungoaleniki mwohn ah pahn kak wiahla Corporation ieu.

STATE OF THE STATE 2019

Speaker, nan pahr en doadohk 2018, PTA kanekelahr project 30 me mihmi ni wen tala million ehu point weneu \$1.6 oh sawas wet patohsang rehn weliepatail kan nan FSM congress oh President, oh project 10 me patohsang Koperment en Pohnpei State me wen tehtehn mwoni me apwalih patopato ni wen tala wenlopw nen duwekid \$ 819,000.00. Ohpis en PTA wia ohpis ehu me kin papah kupwuren wehi ong wiawidahn ahl akan oh project teikan me kin weido sang irail weliepe kan en Pohnpei de irail private sector kan ni arail kin patowanda tehtehn sent en wiahda project kan.

Ih patowen idiadahr tohn Pwoht en PTA nan 2018, oh legislature kamana irailahr pwe ren kak en katangawei Ohpis en PTA.

Ma plan en corporatize de uhtorada saik kak doadohk me wewehki Ohpis wet en patopatohte pahn epwelpen Pohnpei State Government ah ihmen kaweihd Ohpis en PTA en wiahla sapwelimen Pohnpei State Government Ohpis en Public Works pwehn kak pil pwukohkila sapis en onehda ahl akan oh doadoak en onohn teikan me ohpis wet kak en apwali pwehki ahl akan oh imwen koperment kan ahr olahr melel, oh solahr kak onohnda. Kitail pein kak masanah me keilen ahl akan mwahusangher nan werengen ahl me kitail wei pokon kin doadoahngki.

Pwukoahn onehda ahlap oh ahl teikan lel onohndahn dipwsou teikan me en Koperment pahn wiahla kisehn en PTA pwukoah ma eh pahn wiahla Ohpis en Public Work.

Imen tungoleniki ansou mwahu kiset pwe ien peuse sapwenlimen Pohnpei kaping mwuledek ohng Government en Japan pwehki sawas akan ong mesihn en doadoahk pweilaud pwukat me wia kisakis ohng Koperment en Pohnpei oh PTA me pahn kin doadohngki, iei (dump truck pwoat, ehu fuel truck, ehu mesihn en idang pave oh ehu mesihn en pereki pave) me mihmi ni wen tala duwoalopw \$ 900,000.00. Ipil men en sansal ohng wehi me miehthe ekei dipwsou me pahn lelodo sang ni kadek en Koperment en Japan me pahn iangahki dump druck ape.

[Pohnpei Port Authority](#)

Iet repoht oralap ong doadoahk lap akan me PPA kaimwsakalahr nan pahr en FY 2018.

Kaimwsakala oh pwcidahn koukoudahn killel oh dengklhn nansed pldaklh Pohnpei unsek iangahki, dahulap kan koaros me kalapw doadoak nan Pohnpei, Met pahn scwese sellok en pwoht kan nihpwong oh idahn ,ansou karuaru kan me soh kesikpe

STATE OF THE STATE 2019

Kamanamlahn Airport Security Program sang FSM TC&I. Met me elcdahr PPA en kak pwukoahk1 oh apwalih pelien aviation security screening ong sohmpihhr en Air New Guinea oh Air Nauru, iangahk, kaneknekla oh pwcidahn Airport Quality Control Program me pol kamanaman sang ehr FSM TC&I Kancknekla oh pweidahn Quality Control Trammg sang TSA, de Transportation Security Administratio oang irail tohn doadoahk en PPA me pwukobk1 avlatlon secuty oh screening. Kaneknekla oh pweidahn Explosive Trace Device (ETD) training me PPA oh FSM National Government pil aleler oh alahladahn ETD riau me pahn doadoahk nan sapwelmatail international airport.

Keneknckla oh pweidahn sohng sapw nan transportation zone unsek Met pahne sewese PPA

pwchn kak doula oh wiahda plan lap ong sewer oh warawar ong nan Transportation zone oh doadohk lap telkan me pahn kohdo mwuri .PPA pil doulahhr uh pwainla tala \$427 71 7.34 mooring fee ong pahr FY 2018 ong Pohnpei State Fisheries Enforcement Development Fund

Pohnpei Utilities Corporation

Pali en lioal patpato nan kahpwal en sohte itar en Generator. Generator waluh mie ansou wet oh mehte pahieu me wie doadoahk oh uwen kilo Watt me mie sohte itar en wahda Pohnpei ni rahn oh ni soutuk kan sang Ni Ehd lel Ni Alem.

PUC kin pwainda lioal sang FSM Petroleum Corporation oh wen lioal me pali wet (FSMPetroleum Corporation/VITAL) kin kak wiahda on netiki ong PUC pil sohte itar en dapwin anahn en lioal ni ansou me anahnepen ehu mesihn en onohnda.

Sohte itar en mesihn en lioal ong Pohnpei me eledahr koakunlahn lioal ah kin wiawi. Kahrehda ekei wasa pahn kin mie lioal ah ekei wasa lioal pahn kin koakunukunla. Met iei wiepen epwelpen lioal en pahrek ong kupwur koaros me ketiki sahpis sang PUC.

Kaping ong kaoros me utuhtung PUC oh mweidada sapwellimarail generator kan en iang tang ni soutuk kan pwe sahpis en lioal en itar ong kupwur koaros.

Dipwisou en onehda de kamwahuihla mesihn kan oahtehr oh dipwisoun mesihn nempe 7 pahn peidi February 30, 2019. Dipwisou en mesihn nempe 4 pahn lelpene San Diego ni January 30, 2019, ahpw pahn patohdo pohn sompihr. Ansou saik dehde.

STATE OF THE STATE 2019

Lel ni imwin pahr 2018, PUC kin sahpisieng customer isikid silipwiki pehk silimen (7,343).

- Uwen lioal me PUC sahpiski ongete ihr ko me ketiki sahpis en lioal nan ehu pahr:

January 2018 – December 2018: \$29,710,000.00

- Uwen me rikirikida:

January 2018 – December 2018: \$12,379,882.00

(Uwen me kin pweipwei ong FSMPC:

January 2018 – December 2018: \$8,869,392.00

- Uwen me kin katakatanga oh apwahpwalih pwukoa kan tohn doadoahk:

January 2018 – December 2018: \$3,510,490.00

PALI EN PIHL

Ansou wet pwukoahn pali en pihl pil tehlapalar oh wasahn nahk oh mehn nahk pihl me mie patpato ni duwe met:

- Kolonia: Apwalih Kinakapw, U, Nett, Kolonia lel dolon.
- Pwarer kan me pato Palikir: Apwalih kousoan en Palikir
- Pwarer me pato Wapar: Apwalih kousoan en Wapar.
- Pwarer me pato Lukop: Saikinte pato nan mesihn en apwalih rikirikdahn isepen sahpis.
- Uwen me iangehr ketiki sahpis en pihl sang PUC meh:

4,262.

- Uwen kalon en pihl me PUC sahpiski ong Pohnpei:

January 2018 – December 2018: 588,587,000

- Uwen me rikirikada:

January 2018 - December 2018: \$986,582

Sahpis en pihl ong Kolonia, Nett, U, Kinakapw, patohdihla dekehn Sokehs wie doadoangkiher daulih sounpar 50 oh anahnehier en onohnda.

PUC ehuongehr ahi tungoal ohpis wie roprop ni uwen kan en ropada elen mwohni me patpato ni uwen million rieisek (\$20,000,000) mehn onehda dipwisoun katanga sahpis en pihl ong nan wasa kan me sansalehr.

STATE OF THE STATE 2019

PUC patohwen pekpeklang Government en Israel en sawaski kaweid oh tehtehn apwalihada pwarer kan oh treatment plant me pato MO pwe pihl me kin pwomwda sang pahn pwehl en wasa wo en mwakelekel.

Project en pihl kapw:

Palikir-COM lel Diadi Kitti: \$6.4 million sang Compact. Contract sainlahr nan pwungen ABCOR oh Pohnpei State PMO. Project tepidahr July 2018 oh pahn imwsekla September 26, 2020.

Pihl sang Kinakapw lel Lehndiadi, Madolenihmw:

Pali en Army Corps of Engineer wiahier ah tungoal petehk ong koadoahkpen pihl me pahn sang Kinakapw lel Lehn Diadi (Madoleihmw) oh imwiseklahr Nan December 2018 oh patohier pahn epwel en State PMO. Ansou keren bid pahn kalangada ong wehi pokon.

PALI EN SEWER

Wasahn apwalih kihd en aramas epwelahr sang loan ehu me nan pwungen FSM oh Asian Development Bank, oh loan wet pil kesepwildongehr Pohnpei State oh PUC.

Sewer Treatment Plant me pato Kepinle nan Kolonia: Wasa kiset kak apwalih customer riekid (2,000), ahpw ansou wet mehte welipwiki (800) me doadoahngki de iang uhsang wasa kiset (sewer system).

Pali en apwalih kihd en aramas akan sohte kin iang kapidolong mwohni nan PUC, ahpw kin iang doadoahngki mwohni me sang pali en lioal oh karehdahr pali en lioal ah solahr kak tangewei ni duwen epwelpen public utility.

PALI EN ADMINISTRATION

PUC oh ahi tungoal ohpis alehdiehr sawas sang ADB oh Green Climate Fund oh me semen nan pali en katanga utility pwe en koasoansapahliah pali kan koaros nan PUC pwe PUC en kak tangewei ni duwen tangatang en utility. ADB oh Tetra Tech repwohtongehr leadership en Pohnpei ni January 27, 2019, oh kaweid kan sansalehr. Copy pahn pekederioang pali en kosonned en apwalih.

PALI EN FINANCE:

Pali wet me kin sewese pali kan PUC ong epwelpen mwohni.

Pali wet kamangailahr wiepen pwain lioal oh pihl (on-line billing system). Ihte me komw pahn anahne credit de debit card oh internet. Sahpis wet kamangailahr komwi en kak pwain sahpis en pihl oh lioal sang ni tehnpas akan de ma komw seiloak sang Pohnpei, de pil wasa sohte lipilpil me komw kak daperedi wifi de internet.

PALI EN ENGINEERING AND PLANNING

PUC pil alehdier sawas sang World Bank emen electrical engineer me pahn peidi Pohnpei sounpwong me pahn wad.

Pohnpei pil paiamwahu oh alehdier grant ehu sang New Zealand me mihmi ni uwen tala million ehu point riau (\$1.2 mil) ong solar plant me mihmi ni kW 275. Koadoahkepen project wet tepidahr oh pahn kak tepida doadoahk nan sounpwong en March 2019.

PUC oh Kepirohi Solar Energy Ltd. sainlahr inou ehu me pahn wiahda solar plant me kehlailki MW 2 (2MW) iangahki battery me kehlailki MW awa 2.5 (2.5MW). Project wet pil pato Pohnlangas oh percent 50 pahn tepida doadoahk nan June oh luhwe pahn kaneknekla ni imwin pahr 2019.

[Project en Permanent Power Plant](#)

Pohnpei alehdier million 11.8 sang World Bank. FSM R&D Energy Division me kin sewese pali en lioal alehdier kamanaman sang World Bank en doula oh kihda contract ong company en New Zealand ITP Power en wiahda plan pisetik kan pwe project en lioal me kapw en kak mwekidla mwoauwe.

[Pohnpei State Housing Authority](#)

Sapwelmatail Housing Authority peupeusehlahte pwukoahn patohwanda lohn en ihmw ni isais tikitik ong peneinei kan me tungoalenki elen mwohni tikitik pwe ren kak kawada de onehda arail tungoal ihmw me mwahu, onepek oh min. Nan pahr me ahpwtehn imwisekla, re tungoalenkiha koasoandi de goal riau: keieu, kamana oh patohwanda lohn 50 me we limelopw de elepin million

\$500,000, kapatapene; keriau, rikada \$1,000,000 sang nan lohn kan me kodahr ahpw saik koapwungpwungla.

Dahme pweida nan koasoandi riau wet, Housing Authority kamanahla lohn 48 me we mihmi ni welopw, silinen, isikid, wenepwuki, duweisek, sent limeisek wasluh (\$837,690.58, \$337,690.58) pohn angin ar tungoal koasoandi . Ong rikirikdahn pweinen lohn, re patohwan rikada tala wenlopw, duwenen, isikid, silipwiki, welisek limauh, sent silihsek riau (\$697,385.32) de persent weneisek duwauh, point isuh (69.7%) en koasoandi me mihmi ni million ehu (\$1.0 million) sang nan lohn kan me pwandalahr me we patopato ni million \$4.5..

Ni oaralap sansal en pweida mie ong kodahn lohn pwe sawas wet en kak lel aramas tohto oh rikirikdahn pweinen lohn sang delinquent borrowers. De irail me ketiwohn kopwung lohn pwehn dapwin me pwukat, Housing Authority songsong en kak pwukoahkihla ansou keren pweinen tohn doadoahk oh soahng teikan me ansou wet Pohnpei State Government me kin pwukoahki.

[Department of Resource and Development](#)

Agriculture de palien wahn sapw iei me via keieu en dodoahk me mwekimwekidwei nan pali wet. Pohnlangas pilot farm wie mwekimwekid ni kasukul oh sawas ong serihn skul kan oh pil soumwet kan en Pohnpei. Pilot project wet pil sawas oh kawada imwen mwetuel weneu oh stove en gas paisek riau ong soumet en Pohnpei ni soh pweipwei. Sawas teikan ni pelien kaneitik pwihk on duen padokedi iasai on wahn tuke teikan pil kin wiwiawai ong soumwet kan. Me kaunope pahn wiawi iei katotolahn pilot farm kan oh en pil mie ehu wasan wiada pwurok de kisin mlek en wiahda kutoahr. Pil ehu project kapw me pil tepdahr iei podidien nih mwotomwot pwehn wia mehn kasansal demonstration farm oh pil kaunopada mehn pod en songen nih mwotomwot wet ohng soumwet kan.

Kempahn R&D de paih en wehi pil peupeusehlahte ah sawas ong soumwet kan on pil kin ehuieng COM pwehn kalaudela wiepen wie mwetuel teikan. Wen mwoni mihmi ni tala limenen \$50,000 me kin koda pahr koaros pwehn apwali project wet.

Atail mwekid lap ohng World Food Day udahn pweida mwau pahr et oh sansal me pweida laud sang pahr en mwoawe kan. Pil Pohnpei Farmers Day me wia

STATE OF THE STATE 2019

ehu elen sawas ong soumwet kan en pein netki arail wahn sahpw akan pil tepdahr oh kin wiwiawi Nialim en wihk karos nan kelen pwuso. Met pil udahn sawas lap ohng kekeirdahn atail doadohngki wahn sapw nan Pohnpei.

Tourism pil wia ehu pali kesemwpwal oh pil koadoahkdahn plan en ECO tourism me pahn koasoanehdi songen tourism project me anahn ong Pohnpei. Palien Tourism pil aledier sawas en mwohni san FSM Congress oh Japan oh Untited State me mihmi ni million riau point waluh \$2.8 ong tourism project en Pohnpei. Project en Lududuniap nekier oh project en Kepirohi, pohn Dolen Sokehs oh Nanmadol me wiewiawi oh pahn pil tep ansou keren iei project en 6 waterfall Salapwuk Wein Kitty oh kamwahulahn deke Lenger pwehn kasale dipwsoun mahwin oh wasahn rok me mehn Japan kan doadohngki oh wiahda nan ansoun keriauhn mahwin en sampah,World War Two.

Palien Natural Resource Management me kin apwalih nanwel lel paina kan pil alehdi sawas sang US forestry services, U.S. Kempa en Interior, oh Wein Japan nan pahr koaros ong conservation de doadohk en nahk kan. Pali wet pil kin ehu ieng NGO kan on pali teikan oh tetehk keirda mwahu en mie oh apwali oh tetehk project lap kan en dehr kawehla de kamwomwomwala wahn sehd on sahpw kan en wein Pohnpei.

Palien Commerce oh Industries pil nananti en kak doula ohng epwelpen pwukoah kan me kosonned kosonehdi oh anane utuht en Legislature ohng tehtehn apwalih tohn dodoahk pwehn kapwaida pwukohn pali wet.

Small Business Guarantee and financing corporation (SBGFC) pil kin alehdi sawas en mwohni sang Pohnpei State Government ohng sewese operation oh kihda loan ohng business tikitik kan nan Pohnpei. Pali wet pil apwalier small business loan ohng project 114., me sewese irail kan me loan en laid, taxi services, wasahn lopwolopw me mimi ni wen loan kan patpene million ehu point riau \$1.2. Pali wet pil pahn songen kalaudehla mwohnihn sawas en loan pwehn kak doula oh apwaliada anahn en Loan on palien Agriculature, Fisheries oh Tourism.

[Pacific Islands Development Bank](#)

Mr. Speaker, Pacific Islands Development Bank peupeusehlahte ah tungoal pwukoahn kapwaiada ah koasondi oh plan en doadohk kapw kan me pid patowanda loan kan nin duwen mehn kaweid manaman sang State en Pohnpei ahpw mehleh nan palih kan me kitail ketin kamehlele me ma kitail pahn

STATE OF THE STATE 2019

apwalih pali pwukat ah keirdahn pai pahn mie, iei pali en tourism de soun mwemweit kan, agriculture de wahn sahpw, oh fisheries de wahn sehd kan. En bank wet ineng iei en katelapahla oh kalaudehla tohtohn oh wen loan ohng mehn Pohnpei kan me patopato Pohnpei oh nan Wein Guam sang ni sapwenlimen Pohnpei tehte me mie nan bank wet.

Koperment en Pohnpei iang sapwenlimaniki oh towe Pacific Islands Development Bank me tungoleniki pwukohn kakairada pai en wehi oh epwel mwahu en toweh kan. Wen tehtehn mwohni me kodahr ohng mehn Pohnpei lel ni December en pahr me nekier patopato ni million ehu point ehu \$1.1 oh nan we wet tala isinen, limekid, epwuki pahieu \$75,104. kohienger mehn Pohnpei kan me patopato nan Wein Guam. Kendohn aramas me loan pwukat elehieng irail arail doadohk patopato ni aramas wenehk welimen 68.

Foreign Investment

Pesnes en liki wia kisehn sapwelimatail plan oh koasoandi en kairada wehi oh ieiias mwahu en tohn wehi. Kosonned en foreign investment wekiwekidek pwe kitail en kak koasone sapahl sapwelimatail kosonned en foreign investment oh kamwahualala de onehda wiepen ahng oh tehk pekipek kan me kin kapidelong sang irail mehn likihkan me men wia pesnes nan Pohnpei, ninduwen kehkehlik en sapwelimatail plan me pato ni inting nan daropwe. Ahpw, ede tehn mie anahnepen pesnes en liki ohng keirdahn Pohnpei oh mour mwahu en aramas en wehi wet, kitail sohte pahn meliehla pein sapwelimatail pesnes kan me sounpar ngeder pwukupwukoahki sapwelimatail anahn en nan rahn akan me kesempwal ohng mour de ieiias mwahu en kitail arams en wehi wet.

Ele pisnes en liki epwiki (100) kei rahn wet pato nan Pohnpei oh kin kadoadoahkih pohnengin mehn Pohnpei limepwiki (500) pahr koaros. Ninduwen repwoht me mie, pohnengin tala million riau (\$2M) kin pwepweing irail tohn doadohk pwukat pwehn wia isepen arail doahk de salary, met likin tehteh teikan me pato ni wen tala million kei me kin pwedlong nan Kopwou Lap de Treasury sang gross receipt tax, import tax, sales tax oh mwohni en social security oh income tax me kin pwuralahng emen emen tohn doadohk.

One State, Wehi ehute

Sang ni ire kan me I patoawan sakarkidar me pid ire kesempwal akan oh pil ia iren wehi de state of the state me sangwete ire me pid sepwildien mwohni, kamwahula kan en roson mwahu, plan en liol en wehi, kalaudlahn wap en sohp, trust fund kan me mie, kamwahulahn plan me pid keirdahn wehi me update wiwiawi ong sapwelimatail SDP pwehn kak indanwei keirdan lakapw patoala. E koneng mehlel ien kapwure kitailang lepin kahs me I sakarkihda ni

tapio, **me iei,” me komw men ketwei mwadang ah komw ketwei kelepw, ah ma komw men ketwei wasa doh, a komw pahn anahne wia kisehn pwihn ehu”**. Engwinkehlap ih iei pil poason en doadaohk me pahn kataiala pweida en minimin oh wahn doadaohk me kitail kak kamehlele me pahn mwahuwen dih en rahnwet oh pil dih kan me pahn ketdo de patoado mwur kan. **Pil kesempwal mehlel kitail en pil kupwukupwure poason en sapwematail ieias, me iei sapwelimatail tiak kodoudoudoh kan, me poahsondasang pohn wahu. Ma sohte wahu oh limpoak, ah ele pahn kakete sohte popohl oh meleilei me wia poasonepen sapwelimatail ieias.** E konehng mehlel doadaohk keneinei en mie ong sapwelimatail plan akan pwe wahn doadaohk en kak mwahu pwe roson oh popohl oh meleilei en lel nan kweimw kan koaros. Ire tohto me kitail pahn kupwukupwure sang lakapw patoahla me iei plan en daoadoahk kan, ehupenehn wehi kan, oh state kan, inou en minimin saledok me kitail pil patoa pah. Ire kesempwal pwukat ni atail wia wehi ehute, kitail en sapwelmanki kairoihr ehute.

I pahn patoawan weliandi sapwelmar tohn doadaohk kan koaros oh wia aht tungoal kaping lap ong ihr kahlapoko, Isoko oh sapwelmar tohn wehi koaros, pwehki kupwur mwahu oh utuht me kin doke kiht kan me apwalih pwokoah kan nan erein pahr siluh oh kapaiou en pahr met. Ele report we pahn wia ei tungoal last en report on wehi.

Kaping pahn pil doke pali kan koaros me iei pali en tiahk, mwomwodiso, NGO kan, pali en business kan, de private sector, pwihn en lih, me likeilap, me pwulopwul kan. Koperment en FSM de opis en Presdent oh welipatail kn nan Congress, Koperment en wehi laud kan, wein Amerika, Japan, China, Australia wehi teikan pwehki pil sawas oh utuht me sang pali kan koaros.

Ei tungoal kaping on Speaker oh iengwemwi kan pwehki ehupene me mie nan erein sounpar siluh samwa leledo rahnwet. Kaping ong keriou en kepina oh cabinet member kan koaros oh tohn doadaohk koaros ma sohte ehupene me mieier, ah sohte peida kak mie.

Ei tingoal kaping toke ei tungoal papa, nohno, ei tungoal werek oh peneinei. Iei kumwail me wia ei tungoal kehl.

Kauno Koht en ketin ieiang oh sinsile kitail nan seilok wet.

Erer ei tungoal sakarada.

